

南皮張宮保政書

一函
六冊

奏議初編卷十一

奏報交卸兼署撫篆日期摺

奏為恭報微臣交卸兼署湖北撫篆日期仰祈

聖鑒事竊照臣前奉

旨兼署湖北撫篆茲奉任撫臣

譚繼洵現已

陛見回鄂當於光緒二十三年四月二十六日將湖北巡撫關防並

王命旗牌暨文卷

等項委員齎送撫臣譚繼洵接收臣卽於是日卸事除循例恭疏

題報外所有微臣交卸兼署撫篆日期理

合恭摺具陳伏乞

皇上聖鑒謹奏

縣缺繁簡擬請互改摺

奏為東湖竹谿二縣地方今昔情形不同原定繁簡各缺分擬請互相更改以符名實而裨地方恭摺具陳仰祈聖鑒事竊查定例應歸月選之缺改爲題調要缺必須於本省題調要缺內酌改簡缺互換此外大小各缺均不得妄請更改如有實因繁簡不符必須隨時酌改之處令各督撫分別缺之大小如丞倅牧令缺內改簡互換各等語茲據湖北布政使王之春署按察使瞿廷韶詳稱查有宜昌府屬之東湖縣知縣員缺爲附郭首邑川楚咽喉上接夔巫下達江漢陸路則山徑崎嶇水路則帆檣絡繹惟民情質直訟獄無多原定爲衝字簡缺乃自光緒三年開設通商口岸華洋互市以來地方日漸繁盛中外交涉民教雜處彈壓撫綏在在均關緊要政務殷繁較前十倍實爲衝繁難三項要缺復查有鄖陽府屬之竹谿縣知縣員缺前因秦蜀孔道川

楚教匪出沒其間該處爲饋運要津是以定爲繁疲難題補要缺近百年來民情士俗儉樸安靜且偏于楚省西北一隅之地非昔繁要可比擬請將東湖縣知縣改爲衝繁難三項題補要缺由外揀補竹谿縣知縣改爲疲字簡缺照例歸部銓選名實既屬相符而繁要難治之缺由外酌量揀補于地方實有裨益等情會詳請奏前來臣覆加體察該司等所陳東湖竹谿二縣地方缺分今昔繁簡不同係屬實在情形所議彼此酌量互改于員缺並無增減核與定例亦復相符請 旨俯准互相更改以收爲地擇人之效如蒙 俞允所有本任竹谿縣知縣夏時泰及因病請假回省就醫之本任東湖縣知縣周瑞鑾應否彼此調補容臣督同兩司另行酌核辦理除咨吏部外所有東湖竹谿二縣地方今昔情形不同原定繁簡各缺分擬請互相更改以符名實緣由理合恭摺具陳再湖廣總督係臣本任毋庸會銜合併陳明伏乞 皇上聖鑒勅部核覆施行謹奏

會奏革員捐賑懇請開復摺

奏爲鄂賑緊急已革道員捐助賑銀鉅款照章懇 恩優獎恭摺 奏陳仰祈 聖鑒事竊湖北賑捐前

經臣等奏明有捐實銀一萬二千兩以上者專案奏請 優獎奉 旨允准在案茲據湖北籌賑局司道

詳稱據丁憂已革花翎二品銜福建補用道開缺臺灣臺南府知府唐贊襄呈繳捐助賑銀一萬二千五百兩聲稱不敢仰邀獎敘查該革員現年四十五歲湖南善化縣舉人歷經捐保以知府在福建候補加鹽運使銜

獎敘花翎歷署邵武延平等府知府護理臺灣兵備道經前閩浙總督臣卞寶第會奏該員唐贊襄講求海防
諳習吏治在閩年久于海疆風土民情甚爲熟悉現護臺灣道表率有方措施不苟實爲知府中不可多得之
員奏准補授臺灣臺南府知府是年於勸辦順直賑案內保獎補缺後以道員用十九年于臺灣海防五年限
滿案內保獎俟離知府任轉道員班後加二品銜光緒二十一年二月在臺南府任內因電聞父病稟請開缺
回籍修墓經前署臺灣撫臣唐景崧電參革職該員旋卽在籍報丁父憂今據捐助銀一萬二千五百兩以助
鄂賑查由已革道員捐復原官計需實銀不及萬兩現核其所捐銀數較在部庫報捐有盈無絀與專案奏請
優獎新章相符雖據聲稱不敢仰邀獎敘究未便沒其急公好義之忱等情詳請 奏獎前來臣等查湖
北災情極重籌賑維艱該員報捐鉅款詢屬有裨賑務合無仰懇 天恩可否准將該革員唐贊襄開復原
官以道員仍留原省補用並 賞還翎銜以示優獎之處伏候 聖裁除該革員詳細履歷咨部查核外
臣等謹合詞恭摺 奏陳伏乞 皇上聖鑒謹 奏

奏設武備學堂摺

奏爲鄂省設立武備學堂以教將領之材恭摺具陳仰祈 聖鑒事竊照光緒二十二年閏五月二十八日
奉 上諭練陸軍海軍立學堂皆應及時舉辦等因欽此又光緒二十二年十一月初二日奉 上諭武
備學堂能否於各省會一律添設著妥籌具奏等因欽此亟應欽遵辦理臣查自強之策以教育人材爲先教

戰之方以設立學堂爲本湖北地據長江上游南北樞紐又將來鐵路所發端尤爲用武之邦當此時勢多艱自宜開設武備學堂以儲將材而作士氣臣於上年回鄂後卽經欽遵 前旨力籌舉辦一面規畫籌款建

堂招考學生等事查近年外洋各國講求兵事益爲精密向來中國學堂所教多係優秀幼童及各營兵勇文理既味氣質亦粗斷難領會精要且資地寒微出身尙遠數年之中斷不能達膺文武官職安望其展轉倡率廣開風氣況所教學生若僅可充末弁兵勇之選則一堂之經費數年之功力止成就弁勇百餘名多設則爲數不貲少設則無裨實濟大率外洋武備學堂分爲三等小學堂教弁目中學堂教武官大學堂教統領學術淺深難易以此爲差今中華爲救時之計雖不能遽設大學堂而教武官之學堂則不可緩取材精而經費省用功約而收效多今擬專儲將領之材專選文武舉貢生員及文監生文武候補候選員弁以及官紳世家子弟文理明通身體強健者考取入學堂肄業緣上項諸人皆科名仕宦中人將來効用於 國家引伸會同展轉傳授上則可任帶兵征戰之事次亦可充營務幕府軍械局所之官蓋此輩卽或未能有衝鋒決勝之才然於考核弁兵籌備餉械整飭製造各局察閱礮臺營壘諸事則固優爲之矣裨益多而收效速似乎無逾於此管惟兵事爲國之大政古者學校中人無不先習射御實我 朝八旗文員兼習騎射之意相同而司馬法一書列入禮家故卿士大夫皆爲軍官伍兩卒旅悉入鄉校春秋傳云雖有文事必有武備此先聖身體力行之效經緯昭然以至孔門諸賢多能戮力行間執戈衛國唐宋以後文武分趨殊失古人教士良法美意泰西諸

國民皆爲兵將皆入學願於古義有合今擬合文武爲一途雖曰因時制宜實則反經復古也查武備學堂功課分講堂操場兩事講堂以明其理操場以盡其用講堂如軍械學算學測繪地圖學各國戰史營壘橋道製造之法營陣攻守轉運之要操場功課如槍隊礮隊馬隊營壘工程隊行軍礮臺行軍鐵路行軍電線行軍旱雷演試測量演習體操等事皆須次第講習通曉始有實用經臣於上年電致出使德國大臣許景澄向德國兵部商派都司法勒根漢千總根次二洋員來鄂教習曾與德兵部議定到華後法勒根漢加給副將銜根次加給游擊銜令其體制較優以資表率管束並議定歸總辦道員節制惟學生百餘人教習僅止兩人不敷講授疊據該洋員堅請添募數人以資協理現經電商兩江督臣劉坤一於江南自強軍洋員中調撥洋員三人來鄂乃法勒根漢挑選甚嚴僅留德守備斯忒老一員令入武備學堂隨同教習尙短一員允俟隨後再行訪募其餘何福滿賽德爾兩員派入護軍營洋操隊教練弁勇其功課章程令洋教習酌議總辦道員核議轉稟由臣核定飭辦洋教習課程餘暇卽令其誦讀四書披覽讀史兵略以固中學之根柢端畢生之趨向另派華教習經理者選學生百二十名並選派粵津學堂出身久充教習者十二員爲領班學生按照洋教習講說課程譯成華文華語轉述指授諸生入堂以後無論何項功名統爲學生均須恪遵規矩虛心授教違章者卽行屏除除火食操衣均由學堂供給外每月給贍銀四兩分定月課季課年終大課以考其優劣如果將來學有成效擬請援照直隸江南奏定學堂年限章程請獎並擇委差缺以示破格鼓勵茲於湖北省城東偏黃土

坡地方購地建造武備學堂該堂未造成之先暫借鐵政局及該局附近暫賃房屋爲棲止之所派委署江漢關道湖北候補道蔡錫勇總辦該學堂事宜令該道督同洋教習安定課程認真激勸並委奏調分省知府錢恂浙江候補府聯豫充學堂提調令其考核經費約束學生整飭一切責令該員等與洋教習商酌協助隨時維持以期有實效而無流弊查武備學堂歲費甚鉅鄂省之力本難辦此然當此時艱事急閒暇不易得人材不易成若再一因循蓄艾已晚反覆焦思不能不勉力爲之現擬暫在籌務雜款及銀元局贏餘項下設法湊撥惟此係國家經武儲材之要政倘若零星湊補勉強支持亦爲非體將來尙須籌定常款奏明辦理以期經久除咨總理衙門外所有設立武備學堂緣由理合會同湖北巡撫臣譚繼洵恭摺 奏陳伏乞 皇上聖鑒 謹 奏

提督巡閱緣由片

再長江水師定章提督以半年駐下江半年駐上江周歷巡閱察看弁兵勤惰歷經奏報在案茲長江提臣黃少春本年三月二十五日到鄂巡閱漢陽荊州水師並駛赴湖南駐紮岳州察看岳州鎮標營伍先將上游各營校閱完竣與臣面商一切即于五月二十二日沿江東下依次校閱所有提督巡閱上江及下赴江皖各緣由理合會同長江水師提督臣黃少春附片具陳伏乞 聖鑒 謹 奏

會奏天門等縣被水撫恤片

再湖北地方本年春夏之交霪雨過多連縣累月江漢水勢汎漲均早而漢水大汎疊臨勢更洶湧旬日之內陡漲三丈有餘所有官民各隄均經撈款以工代賑飭修完固惟濱漢之京山縣屬唐心口民堤上年被水漫潰口門甚寬口內積水已成深洪施工不易本年甫將積水設法宣洩趕築合龍而大汎卽至水高于堤人力難施遂致漫隄而過該縣被淹尙止一隅之地災不甚重惟大門漢川二縣地居下游首當其衝田廬多被浸淹麥收失望現仍一片汪洋驟難涸復又崇陽縣地方於五月初六日震雷狂風大雨如瀉衆山之水同時湧漲頃刻高至丈餘建嶺直下如頂灌足該縣地處山陬河港淺狹未能容納一時泛濫橫流致城內及東南各鄉一帶地方悉被沖淹房屋沖毀二千數百間人口淹斃七十餘名禾苗概行漂沒田地多被沙壓遑難舉復蒲圻縣地處崇陽下游同時暴雨盛漲城鄉亦被漫淹又孝感縣地方于五月初旬連朝暴雨勢若傾盆山水河水同時漲發無可宣洩東西南各鄉濱臨湖河田畝概被漫淹二麥無收禾苗未能栽插又興山縣地方四月中旬迅雷疾雨時閔兩日山水暴發漫入城署東南各鄉豆麥正值黃熟概被淹沒巴東縣屬後鄉建始縣屬東北各鄉各因雨雹春收亦皆失望據各該縣稟報前來臣等查天門漢川二縣上年均係被水之區受災甚重今則又遭巨浸收成無望益形困苦崇陽本屬山區歷無水患茲復罹此奇災小民惶駭慘苦尤堪憫惻均應急予賑撫臣等業飭藩司分撥銀錢鉅款崇陽並發米三千石委員星夜解往會同各該縣各就地方情形賑糶兼施或以工代賑俾得民困早紓毋任流離失所蒲圻孝感被水之處亦卽飭令分別酌量撫卹至興

山巴東建始各縣均因上年被災現在賑務尚未完竣並飭一律加賑以資接濟此外瀘臨江溪各屬低窪之區雖亦據報被淹情形較輕現在節候尚早仍飭趕緊設法疏消以期涸復補種統俟秋收覆勘分別輕重再行辦理所有天門等縣被水撥款撫卹緣由謹合詞附片具陳伏乞

會奏察看知府據實覆陳摺

聖鑒謹奏

奏為遵

旨察看知府謹會同據實覆陳恭摺仰祈

聖鑒事竊臣等承准軍機大臣字寄光緒二十三年四月十二日奉

上諭湖南永順府知府吳澍霖著張之洞陳寶箴悉心察看如竟不能勝任卽行據實

參奏毋稍遷就將此各諭令知之欽此遵

旨寄信前來承准此臣等敬謹捧讀仰見

聖主澄敘官方

不遺偏遠至意私衷莫名欽感竊查現任湖南永順府知府吳澍霖係由甲科部曹於光緒十四年京察

簡放廣東肇慶府知府十五年正月其時臣之洞在兩廣總督任內察知其操守廉潔心地樸誠及調補湖南永順府在任數年臣等留心訪查其自守實無可議惟該府地屬苗疆民情獷悍勇于私鬥所屬永順保靖桑植龍山等縣界連鄂蜀時有匪徒出沒肆行剽掠地方官防範稍疎居民卽難安生業知府爲各該縣所秉承非有明幹之材不足以資整飭又地居僻遠近來風俗日嬗獄訟滋起常多上控之案不得不飭府就近提訊以省拖累該守吳澍霖心術無他而囿于才識精力過事不免拘滯本省批發案件每多不能審結臣等悉心考察吳澍霖在湘供職操守不苟是其所長應變治劇是其所短永順府一缺實與該守人地不宜臣等往復

函商意見相同合無仰懇

天恩將湖南永順府知府吳澍霖開缺送部引見以備

聖明裁擇伏候

諭旨遵行所有奉

旨悉心察看會同據實陳覆緣由謹合詞恭摺具陳伏乞

皇上聖鑒訓示謹

奏

會奏鄂賑緊急委員在直辦捐摺

奏為鄂賑緊急派委道員在直隸勸辦湖北賑捐擬請援案就近由直隸報部核獎以期迅速恭摺仰祈

聖鑒事竊查湖北因連年被災工賑需款甚鉅奏蒙

聖恩開辦賑捐獎經臣等咨明各省督撫臣並委直

隸候補道洪恩慶在直設局勸辦濟集濟用惟查湖北距京遙遠若待將各捐生履歷造冊送鄂再行報部往

返周折殊多遲滯誠恐觀望難期踴躍鄂省災深賑急難捫早第賑難尚未完竣而堵築各隄各口秋杪又須

開工實覺焦急無策專盼各路捐款以資補苴伏查京師義賑局勸辦湖北賑捐曾經臣等奏請由順天府尹

就近報部核獎奉

旨允准在案今該局事同一律擬請援案一面由該局將勸集捐款解鄂濟賑一面即

將各捐生履歷分起造冊呈由直隸督臣就近報部按照湖北捐章核獎以歸簡便而期迅速則捐項庶可多

集于賑務實大有裨益據湖北籌賑局司道詳請 奏咨前來臣等覆查無異除咨戶部直隸督臣查照外謹

合詞恭摺具陳伏乞

皇上聖鑒謹 奏

會奏綠營減額整頓練軍摺

奏爲遵

旨裁減湖北綠營兵額謹擬裁減五成分爲五年勻裁現已計數截餉並整頓練軍勇營之法恭

摺 奏陳仰祈

聖鑒事竊臣承准軍機大臣字寄光緒二十三年三月初四日奉

上諭戶部奏完兵

耗財過鉅亟宜大加裁汰等因欽此當經恭錄轉行欽遵辦理查湖北勇營前經奏 明分別裁併此後能否

再裁應在隨時體察情形奏明辦理湖北綠營前經奏

旨裁汰撫臣譚繼洵在兼護督臣任內奏明飭令

各營革除老弱革故者缺額不補在案竊維綠營制兵久形積弱零星分駐無從訓練且以餉項微薄多兼工

匠貿易更難專意操防若以之緝捕彈壓則未嘗無益若以之征鉅寇禦外侮則罕見奏功當此時艱孔亟

宵旰憂勞豈敢因仍故習聽其坐耗餉需而不思變計查湖北兵額道光二十一年以前係二萬二千六百

三十四名嗣後迭次裁減軍務大定以來減爲一萬八千三百四十八名外委額外二百四十九名至光緒十

一年裁減馬戰守兵二千九百二十一名以後現存馬戰守兵一萬五千四百二十七名內抽練兵二千八百

名存營存汛兵一萬一千六百二十七名臣欽遵

諭旨會商撫臣提臣同司道各鎮各營將領等詳加籌

酌擬請援照山東奏案就湖北現有兵額實數馬步一律裁減五成其光緒十一年前督臣裕祿已經奏裁之

通省馬步兵額不在此數之內連光緒十一年前案合計實已裁減將及七成總計此次應裁馬戰守兵共七

千七百一十五名勻分爲五年遞裁庶乎輕而易舉至其裁減之法其大旨仍卽臣前在江南奏裁兵額摺內

所陳裁散不裁整裁兵不裁官一義此則裁者既無扞格存者亦可用現據提臣及各鎮協營先後咨覆累

覆一律遵辦計裁竣後每年約可節省兵餉馬乾米折共銀十一萬餘兩將詳晰辦法敬爲我 皇上臚列

陳之一督撫提鎮各標武昌城守營漢陽施南竹山三協已挑入操防營之練軍糧餉既較原營爲優屯聚復在一處操練之法尙有可施若責成將弁大加整頓將來尙可期其有用擬請勿庸議減此外應就原營未練之兵分別地方輕重酌量裁減總之就練軍及原營實數合計馬戰守兵統共裁減五成不得剔除練軍之數計算以冀少裁擬將應裁之數勻分五年裁竣本年應裁兵丁應發餉乾米折銀兩卽令各營截至八月底以歸畫一以後每年遞裁截餉之期卽均以八月底爲斷一所裁之兵擬發給一年餉銀餉米道令歸農俾得藉以資生徐圖改業卽自各營開額停餉之日起由藩司糧道接數發足一年銀米此項恩餉既厚可免其窮困能望不致爲非一副參遊都守等官以及千總外委額外等弁應請留爲弁兵升轉之階及將來分帶兵勇之用擬請勿庸議裁一所裁原營未練之兵係體察地方輕重情形緩急緊要者裁減較少簡僻者裁減較多如其地方設有練軍者其原營卽不多留一酌裁次第儘先千把以下外汛及各塘零星無益之兵裁汰如塘汛所裁不足五成之數再將副參遊都守專營隨身在城在營之兵裁減察其繁簡分別酌留如副參遊都守之營裁不足額再將提鎮各標同城之營及督撫標各營未練之兵酌裁以足五成之數一凡有守備千總分防外汛者其地或係州縣城內或係關津鎮市較繁需兵彈壓如遇有匪徒竊發尙可作巡查哨探之用應將此守備擬一律留兵四十名分汛千總擬一律留兵二十名其該守備千總所屬分撥外塘外汛兵丁零星無益

均卽裁汰一把總以下之防汛者兵數尤屬時需無用均卽裁除惟襄陽一帶把總所管汛地間有關緊要不能無兵者應于練軍及原營酌撥一分駐協防外汛之把總外委額外等官弁所管之兵雖經裁除其額缺廉俸應請仍循其舊仍將此項無兵汛弁留于原駐該州縣本城或本汛由州縣酌量委令管帶團勇民壯協助緝捕等事亦屬有益該弁卽歸該州縣節制調遣如不得力准州縣稟請撤換緣此項汛弁若一概撤歸本營未免困苦可憫且千把等弁爲兵勇升階若有缺之千總等弁不能自給兵勇無上進之望以後兵勇征戰緝捕出力者將何以爲鼓勵之具茲擬令千總留防把總以下仍留原駐州縣差委固所以體恤有缺未弁實所以鼓勵兵勇若該汛弁所管兵丁既裁自不願回本標差委不願留州縣差委者亦聽其便一向來捕盜得力與否全視州縣分防協防之千把外額疏防開參不過循例受過以後裁去外汛之處其捕盜等事卽專責成州縣若外汛之兵裁去者有疏防之案原轄之武職免議一以後州縣解餉解犯看守城門局庫等事有練軍及原營者兼派練軍及原營或並無練軍及原營人數過少不敷差派者卽責成州縣派役護解看守一塘汛既裁以後武營遞送公文有驛站地方卽由驛遞無驛站者交州縣向用過遞文之鋪司等項人役投遞不令營員出費一練軍既概不裁派卽須認真操練惟通省難得上等教習多名分布且省外本營官操練不過沿襲故套施放前膛槍刀矛排演老陣仍係有名無實卽發給精槍利礮亦不知收檢操練之法現經臣先將各營練軍及馬步防勇于每營中擇其強壯樸實年在二十五歲以下者就本營人數挑選十分之一派一哨

弁率帶來省蓋浩營房令其同駐分派上等教習教以新式快槍礮及練習體操各法臣隨時親臨督查屬核課程分別賞罰練至半年遣回各營教練同營兵勇仍另調一成來省學習總之半年一換務使各營兵勇轉相授一律練成勁旅惟調省教練者僅止一成其本營全隊亦應一體講求若上等教習無多卽派次等教習前赴練軍防勇各營查照省城操法認真教練以爲循序漸進之基務令裁存者漸臻有用不致徒糜餉需一各標練軍皆係就本標各營挑入此次裁減以後原營之兵愈少所有管帶練軍應卽委本標同城實缺署缺將領管帶練軍不得另徙候補人員以免實缺將領無兵可管如查有才不勝任者由提鎮咨請稟請另予他營調署以符名實而專責成以上各條裁減雖遲而羣情一無窒礙恩餉雖優而經久所省實多留兵雖少而于地方武備實際毫無所妨其有未盡事宜容臣隨時妥籌辦理總期力除綠營積弊可以節餉需而修武備以仰副 皇上兵食兼籌之至意何營應裁馬戰守兵各若干每年勻裁若干每年層遞節省餉銀餉米

若干以後實需餉銀餉米若干現在應給一年恩餉銀米若干各項細數已飭各營造具詳細清冊由藩司糧道核算明確再行開具清單 奏咨備案至湖南情形與湖北略有不同其應裁兵數由臣會商湖南巡撫臣陳寶箴妥籌辦理現已議有眉目容卽另案具 奏所有湖北裁減綠營兵額五成並整頓省內外練軍勇營辦法謹會同湖北撫臣譚繼洵恭摺具 奏再此事因與提鎮各營往返籌商是以覆奏稍遲合併陳明伏

乞 皇上聖鑒謹 奏

會奏勸集鉅款懇

恩優獎摺

奏爲勸辦湖北捐賑已集鉅款之同知懇

恩優獎以昭激勸而裨賑需恭摺仰祈

聖鑒事竊查湖北

各屬連年饑饉頻仍地廣災重援案開辦賑捐在滇賑之後湘賑川賑又復先後同時興辦無論在本省外省勸捐事機皆成籌末所賴分派委員攜帶實收前赴各省就近勸募尙可以廣招徠而資接濟年餘以來接據派出各員報解捐款解足四萬兩三萬兩以及萬餘兩者頗不乏人均係竭力籌辦容俟賑務完竣再行查明另行奏請獎敘茲查有分省試用同知李準前經飭委該員赴廣東及南洋一帶勸辦湖北賑捐該員不避艱險遠涉重洋親赴暹羅新嘉坡及外埠設法勸導華商歷時一年之久已據陸續勸募捐款二十一萬餘兩本年春夏間鄖宜施三府屬災荒奇緊款項奇絀之時深賴此項鉅款源源接濟全活災民不下百餘萬其於賑撫全局大有裨益伏查部章凡勸賑捐人員准保補缺後指定應升官階補用按每分勸銀二萬兩上下擇尤保獎一員今該員勸募銀兩已逾十倍尤屬有異尋常且查往年順直蘇皖等省賑捐有勸募至十餘萬兩者均照異常勞績專案請獎奏准有案該員所勸銀至二十一萬兩之多自應請優獎以示鼓勵庶勸捐各員聞風奮勉賑款源源接濟實于災區大有裨益據湖北籌賑局司道具詳請奏前來臣等覆查無異合無仰懇天恩俯念籌賑多艱鉅資難集准將分省試用同知李準以知府分省補用出自逾格

鴻慈

謹合詞恭摺具陳伏乞

皇上聖鑒謹奏

會奏縣缺繁簡互相調補摺

奏爲知縣繁簡各缺互相調補恭摺仰祈

聖鑒事竊臣之洞前以東湖竹谿二縣地方情形今昔不同擬

請互改繁簡奏奉

硃批吏部議奏欽此旋經部臣奏請將東湖縣改爲衝繁難題補要缺竹谿縣改爲疲字

簡缺歸部銓選至現任東湖縣知縣周瑞鑾是否勝繁缺之處由該督查明再行辦理等因光緒二十三年

六月十六日具奏奉

旨依議欽此欽遵咨行到鄂臣等伏查東湖縣爲宜昌府附郭首邑川楚咽喉水陸

衝要自開設通商口岸以來華洋互市民教雜處中外交涉政務殷繁現經改爲題補要缺自應遴選精幹之

員以資治理該本任知縣周瑞鑾安徽合肥縣監生勞績保舉加捐知縣選授今職該員前在任時于時方公

事尚無貽誤惟謹飭有餘應變不足于斯缺不甚相宜應卽酌量改調以重地方查竹谿縣知縣夏時泰湖南

衡陽縣進士由卽用知縣補授今職該員明練果斷勤奮有爲前在本任暨兩署崇陽縣篆政聲卓著措置咸

宜以之調補東湖縣知縣實堪勝任所遺竹谿縣知縣現經改爲選缺事簡民馴非昔要缺可比擬請卽以周

瑞鑾調補可期經理裕如該員等任內均無積案及欠解錢糧承緝盜案已起降調革職參限周瑞鑾亦無承

追督催有關展參之案且本係部選簡缺人員現仍調補簡缺非由繁改簡可比並毋庸送部引見據湖北

布政使王之春按察使馬恩培會詳請

奏前來臣等覆查與例相符合無仰懇

天恩俯念員缺緊要因地擇人准以竹谿縣知縣夏時泰調補東湖縣知縣要缺所遺竹谿縣知縣選缺卽以東湖縣知縣周瑞鑾調

補席人地各宜實於吏治有裨除咨吏部查照外謹合詞恭摺具陳伏乞

皇上聖鑒謹奏

會奏土藥稅請照舊辦理摺

奏爲湖北所產土藥稀少就地無可徵收所收外省土稅仍請照舊辦理恭摺具陳仰祈

聖鑒事竊照准

戶部咨鈔奏內開內地土藥另籌徵收之法因總稅務司摺開各省出產土藥擔數甚多而各省稅收不旺擬

令各省派員在出產土藥盛處各設立總局略仿洋藥稅釐併徵之法每擔徵銀六十兩納足之後任其銷售

無論何處概不重徵聲明湖北應照此章一律辦理等因當經轉行各司道關局遵照籌辦伏查湖北向不產

土近年施南鄖陽所屬偏僻之區地瘠山深間有貧苦之家零星種植極爲稀少僅供土人吸食無稅可收湖

北所收土藥稅釐概係來自四川雲貴等省川土爲大宗滇黔土較少亦取道川境入楚故湖北於川省毗連

之宜昌府既有洋關以收川土過境行銷各口岸之稅復於該處另由地方官委員設立總局以收川土入

境行銷內地之稅此外復酌設分局分卡多處雇募巡丁營勇多方查緝宜昌洋關稅上年約收銀四十萬兩

大率皆係土藥他貨只一萬餘金該關應解京餉及續還洋款息借商款等項約三十餘萬兩宜昌沙市兩處

關用約五萬餘兩均在此出宜昌暨本省各局卡每年約收土稅二三十萬兩此項每年奏定撥充槍礮局

經費二十萬兩局用緝私勇費五萬餘兩餘款解部又每年約收落地釐錢數萬串向係併入百貨釐內奏報

奏備餉需以上關局所收稅釐爲款甚鉅均關緊要餉需若由四川雲貴等省就地統徵則湖北絕無土稅可